

## **Regularo de Internacia Junulara Festivalo (IJF)**

1. IJF estas aranĝo malfermita al ĉiuj, sendepende de nacio, religio, aĝo, genro, seksorientiĝo kaj handikapo. Dum la renkontiĝo estos tolerataj nek molestado nek ĝenado, en kiu ajn formo (ekzemple pere de ofendaj komentoj aŭ ŝercoj, intenca timigado, postkurado, malkonvena fizika kontakto). Se vi spertas ion tian, ni petas vin raporti tion al la organizantoj kaj, se vi atestas ion tian, tuj interveni por ĉesi ĝin.
2. La organizantoj ne responsas pri damaĝoj kontraŭ sano aŭ posedaĵoj de partoprenantoj, kiuj okazas dum la aranĝo.
3. IJF estas konceptita por la junularo kaj havas riĉan noktan programon. Aliĝante al la aranĝo vi akceptas, ke dum la nokto povas ne esti perfekta silento.
4. Organizantoj petas respekti la festivalejon, zorgi pri ĝia pureco, forlasi ĝin en la sama stato en kiu ĝi estis dum via alveno.
5. Ene de la festivalejo hejmbestoj estas malpermesataj.
6. Ene de la festivalejo oni ne rajtas fumi.
7. La litoj uzendas per littolaĵoj kaj littukoj. Vi povas aŭ kunporti proprajn aŭ uzi la surlokajn laŭ la kondiĉoj kontraktitaj kun la gastiga entrepreno. Uzi dormosakon sur la lito estas malpermesate.
8. La kostoj de damaĝoj al la festivalejo, kaŭzitaj de partoprenanto, estos kovritaj de la partoprenanto mem, kiu kaŭzis la damaĝon.
9. Aliĝante al la aranĝo, vi akceptas aperi en fotoj kaj videoj, kiuj poste publikigeblos, krom se vi eksplike indikas vian malkonsenton per la aliĝilo.
10. Via aliĝo ekvalidas la tagon de alveno de via antaŭpago (minimume 40€). Okaze de dubaj situacioj (ekz. pago sendita unu tagon antaŭ la limdato de aliĝperiodo), bonvolu pruvi la ĝustatempan alsendon per koncerna kvitanco.
11. Sendante vian aliĝon, vi akceptas la prezojn kiel indikitajn en la retejo de la evento.
12. Se vi ne plu povos partopreni la eventon, vi rajtas peti repagon nur de la antaŭpago, minus eventualaj ĝirimpagoj.
13. Vi rajtas transdoni vian antaŭpagon al iu alia partoprenanto: tiam estas via respondeco komuniki tion al ni. Bonvolu konsideri, ke transdoneblas nur la pagita sumo, ne tuta aliĝo.
14. Estas konsiderate afable paroli esperanton dum la aranĝo, sed ne regas strikta lingva disciplino kaj vi rajtas uzi ajnan lingvon laŭ via plaĉo. Ne estas permesate riproĉi homojn kiuj ne (bone) parolas esperanton.

**Okaze de klara miskonduko aŭ malrespekto al la regularo, la organizantoj rajtas forpeli partoprenanton de la evento.**

*laste modifita: 07/08/2026*